

MELDING FRA FISKERIDIREKTØREN
.....

J. 12/85.

FORSKRIFT OM REGULERING AV REKEFISKET VED VEST- OG AUST-GRØNLAND
I 1985.

Med heimel i lov 3. juni 1983 nr. 40 om saltvannsfiske m.v. §§ 4 og 5 og i lov 16. juni 1972 nr. 57 om regulering av deltagelsen i fisket § 6, femte ledd, har Fiskeridepartementet 2. januar 1985 fastsatt denne forskrifta:

§ 1

Det er forbode å fiske reker ved Vest-Grønland (NAFO-område 1) og i den grønlandske sona ved Aust-Grønland (ICES-område XIV og Va).

Utan hinder av forbodet i første ledd kan norske farty som er tildelt kvote i 1985 fiske 450 tonn reker ved Vest-Grønland i NAFO-område 1 sør for 68⁰ n.br. og 2050 tonn reker i den grønlandske sona ved Aust-Grønland i ICES-områda XIV og Va.

§ 2

Totalkvoten på 2050 tonn ved Aust-Grønland skal fordelast på dei deltakande farty etter inndeling i følgjande grupper på grunnlag av godkjend lastekapasitet:

- a) under 80 tonn
- b) 80 til 99,9 tonn
- c) 100 til 129,9 tonn
- d) 130 tonn til 159,9 tonn
- e) 160 tonn til 199,9 tonn
- f) 200 tonn og meir

Fartykvotane blir utrekna slik: 50% av totalkvoten blir delt med likt kvantum på kvart farty. Dei resterande 50% blir delte på fartya etter den gjennomsnittlege lastekapasiteten i gruppene.

Ikkje noko farty kan tildelast ein fartykvote som er større enn fartyet sin godkjende lastekapasitet.

§ 3

Totalkvoten på 450 tonn ved Vest-Grønland skal delast på farty som seinast 1. februar 1985 er påmelde til Fiskeridirektøren for fiske ved Vest-Grønland i 1985. Dersom den samla godkjende lastekapasiteten til dei påmelde fartya overstig 450 tonn, skal kvoten fordelast etter loddtrekking til 4 av dei påmelde fartya med 112,5 tonn til kvart farty.

Dersom nokon av dei uttrekte fartya har ein godkjend lastekapasitet som er mindre enn 112,5 tonn, skal fartyet sin kvote setjast lik den godkjende lastekapasiteten.

Den resterande delen av den norske totalkvoten skal då delast i høve til storleiken på lastekapasiteten til dei uttrekte fartya med godkjend lastekapasitet større enn 112,5 tonn.

Dersom det 1. februar 1985 ikkje er påmelde farty for fiske ved Vest-Grønland med ein samla godkjend lastekapasitet på minst 420 tonn, blir det opna for fritt fiske frå den 4. februar 1985 fram til totalkvoten på 450 tonn er oppfiska.

§ 4

Fiskeridirektøren avgjer under kva gruppe det einskilde deltakande fartyet høyrer til, og fastset kvoten til det einskilde fartyet ved Vest-Grønland og Aust-Grønland.

Ved fastsetting av kvotar etter § 3 kan det gjerast slike justeringar som praktiske omsyn tilseier.

§ 5

Deltakande farty skal melde frå til Fiskeridirektoratet før avgang til feltet, og skal sende kopi til Fiskeridirektoratet av dei meldingane som dei er pålagde å sende etter vilkåra i lisensen.

§ 6

Farty som ikkje seinast 12. april 1985 kl 2400 GMT har starta fiske ved Aust-Grønland, jfr. meldeplikta etter § 5, misser den kvoten dei er tildelte etter §§ 2 og 4.

Den del av den norske totalkvoten på 2050 tonn som er tildelt farty som kjem inn under regelen i første ledd, skal etter 12. april 1985 delast i samsvar med reglane i §§ 2 og 4 på dei fartya som seinast 12. april 1985 har starta fisket ved Aust-Grønland. Farty som på grunn av havari blir hindra frå å starte fisket ved Aust-Grønland seinast 12. april 1985 kan etter søknad også takast med ved fordelinga av kvotar etter denne paragrafen.

Kvotar som er fastsette etter denne paragrafen gjeld fram til 7. mai 1985. Deltakande farty kan etter 7. mai 1985 kl 0000 GMT fiske fritt fram til den totale kvoten på 2050 tonn er oppfiska.

§ 7

Blir fartykvotane etter §§ 3 og 4 ved Vest-Grønland (NAFO-området 1) ikkje utnytta innan 15. august 1985 kl 0000 GMT, blir kvote-tildelingane oppheva, og deltakande farty kan fiske fritt fram til den totale kvoten på 450 tonn er oppfiska.

§ 8

Fiskeridirektøren kan fastsetje nærare forskrift om gjennomføring og utfylling av reglane i denne forskrifta, under dette også forskrift om dagleg rapporteringsplikt, prøvetaking og tidspunkt for stopp i fisket når det blir utrekna at kvotane er oppfiska.

§ 9

Brot på reglane i denne forskrifta eller på reglar gitt med heimel i denne forskrifta blir straffa etter reglane i Lov 3. juni 1983 nr. 40 om saltvannsfiske m.v. § 53.

§ 10

Denne forskrifta vert sett i kraft 1. januar 1985, og gjeld til så lenge.

FORSKRIFT OM REGULERING AV DELTAKELSEN I FISKE ETTER REKER VED GRØNLAND I 1985.

Fiskeridirektøren har 9. januar 1985 i medhold av kgl. res av 24. november 1972, endret ved kgl. res. av 14. desember 1984, fastsatt følgende forskrifter:

§ 1

Fartøy som i minst ett av de siste fire år har deltatt i rekefisket ved Grønland kan registreres for deltakelse i rekefisket ved Grønland i 1985.

§ 2

Fartøy som ikke oppfyller vilkårene for registrering etter § 1 kan likevel registreres når disse er erstatningsfartøy for konsesjonshaver som tidligere hadde fartøy som ville oppfylt vilkårene etter § 1.

§ 3

Søknad om registrering for deltakelse i rekefisket ved Grønland i 1985 må sendes til Fiskeridirektøren på fastsatt skjema senest 1. februar 1985.

§ 4

Denne forskrift trer i kraft straks.